

## Bukva - drvo boga Zeusa

Bukva je listopadno drvo koje može dostići visinu do 40m, dok debljina stabla premašuje 1m. Kora joj je svijetlosiva (srebrnasta), tanka i glatka. List je eliptičan dug oko 8cm. Plod bukve naziva se bukvice smeđe je boje, trouglastog oblika i jestiv je (samo ukoliko je pečen), sazrijeva početkom oktobra.

U grčkoj mitologiji ovo drvo se vezuje za vrhovnog boga Zeusa, boga neba i groma. Postoji vjerovanje da se za vrijeme grmljavine najsigurnije skloniti ispod krošnji ovog drveta, jer u bukova stabla munje i gromovi navodno nikada ne udarju.





Tradicionalno bukva označava moć i bogatstvo. Drvo bukve koristi se za izradu namještaja ili za ogrijev. Smatra se da je prilikom dimljenja mesa i ribe najbolje upotrijebiti bukovo drvo.

### DA LI ZNAŠ

...da su prvi rukopisi bili napisani na tankim pločama napravljenim od drveta bukve. Značenje riječi bukva vezano je za upotrebu njene kore kao sredstva za pisanje, što se ogleda u engleskoj riječi book-knjiga i njemačkoj buch-knjiga. Čak je i drugo slovo staro-slovenskog pisma dobilo ime bukva.  
...da se list bukve može jesti (kad je mlad) u nestašici druge hrane, ili kao ukusna i zdrava salata.

